



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱԽՈՒՐՅԱՆ ՀԱՄԱՅՆՔԻ ՂԵԿԱՎԱՐԻ

Ո Ր Ո Շ ՈՒ Մ

07 մարտի 2023 թվականի N 239 -Ա

Գյուղ Ախուրյան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱԽՈՒՐՅԱՆ ՀԱՄԱՅՆՔԻ
ՍԵՓԱԿԱՆՈՒԹՅՈՒՆ ՀԱՆԴԻՍԱՑՈՂ ՀՈՂԱՄԱՍՈՒՄ ՔԱՂԱՔԱՑԻ ՍՈՒՍԱՆՆԱ
ՀԵՆՐԻԿԻ ՄՈՒՐԱԴՅԱՆԻ ԿՈՂՄԻՑ ԻՆՔՆԱԿԱՄ ԿԱՌՈՒՑՎԱԾ, ՕՐԻՆԱԿԱՆ
ՃԱՆԱԶՎԱԾ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱԽՈՒՐՅԱՆ
ՀԱՄԱՅՆՔԻ ՍԵՓԱԿԱՆՈՒԹՅՈՒՆԸ ՀԱՄԱՐՎԱԾ ԲՆԱԿԵԼԻ ՏՈՒՆԸ, ՀԱՐԹԱԿԸ
ԵՎ ԴՐԱ ՊԱՀՊԱՆՄԱՆ ՈՒ ՍՊԱՍԱՐԿՄԱՆ ՀԱՄԱՐ ՆԱԽԱՏԵՍՎԱԾ ՀՈՂԱՄԱՍԸ
ԳՆՄԱՆ ՆԱԽԱՊԱՏՎՈՒԹՅԱՆ ԻՐԱՎՈՒՆՔՈՎ, ՈՒՂՂԱԿԻ ՎԱՃԱՌՔՈՎ
ԿԱՌՈՒՑԱՊԱՏՈՂԻՆ ՕՏԱՐԵԼՈՒ ԱՌԱՋԱՐԿՈՒԹՅՈՒՆ ՆԵՐԿԱՅԱՑՆԵԼՈՒ
ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 35 հոդվածի 1-ին մասի 24-րդ կետի, Հայաստանի Հանրապետության կառավարության 2006 թվականի մայիսի 18-ի N 912-Ն որոշմամբ հաստատված «Ինքնակամ կառույցների օրինականացման և տնօրինման կարգի» 33-րդ, 33.1-րդ, 34-րդ, 34.2-րդ կետերի, 35-րդ կետի «գ» ենթակետերի, 35.1-րդ կետի դրույթներով, հիմք ընդունելով Հայաստանի Հանրապետության կառավարության «Անշարժ գույքի հարկով հարկման նպատակով անշարժ գույքի շուկայական արժեքին մոտարկված կադաստրային գնահատման կարգը սահմանելու մասին» Հայաստանի Հանրապետության օրենքի 4-րդ հոդվածով սահմանված՝ շինության տարածագնահատման (գտնվելու վայրի) գոտիականության գործակիցը՝ որը Հովունի գյուղի (Շիրակի մարզ, 18-րդ գոտի) համար 0,0631 է և հաշվի առնելով, որ Հայաստանի Հանրապետության Շիրակի մարզի Ախուրյան համայնքի վարչական տարածքում գտնվող, համայնքի սեփականություն հանդիսացող բնակավայրերի հողերի նպատակային նշանակության, բնակելի կառուցապատման գործառնական նշանակության 08-071-0007-0005 կադաստրային ծածկագրով 0,03056 հեկտար մակերեսով հողամասի վրա, քաղաքացի Սուսաննա Հենրիկի Մուրադյանի կողմից ինքնակամ կառուցված 126,69 քառակուսի մետր ընդհանուր արտաքին մակերեսով բնակելի տունը և հարթակը (հետագայում շինություն) համապատասխանում է Հայաստանի Հանրապետության քաղաքացիական օրենսգրքի 188-րդ հոդվածով սահմանված օրինականացման պայմաններին և այն Հայաստանի Հանրապետության Շիրակի մարզի Ախուրյան համայնքի ղեկավարի 2023 թվականի փետրվարի 24-ի թիվ 225-Ա որոշմամբ ճանաչվել է օրինական, համարվել է

համայնքի սեփականություն և անշարժ գույքի նկատմամբ համայնքի իրավունքները ենթարկվել են պետական գրանցման՝

որոշում եմ.

1. Օրինական ճանաչված և համայնքի սեփականությունը համարված շինությունը, ինչպես նաև դրա պահպանման ու սպասարկման համար նախատեսված Հայաստանի Հանրապետության Շիրակի մարզի Ախուրյան համայնքի սեփականությունը հանդիսացող, բնակավայրերի հողերի նպատակային նշանակության, բնակելի կառուցապատման գործառնական նշանակության 08-071-0007-0005 կադաստրային ծածկագրով 0,03056 հեկտար մակերեսով հողամասը գնման նախապատվության իրավունքով՝ ուղղակի վաճառքով օտարելու մասին գրավոր առաջարկություն ներկայացնել ինքնակամ շինությունն իրականացրած քաղաքացի՝ Սուսաննա Հենրիկի Մուրադյանին:

2. Օրինական ճանաչված շինության և համապատասխան հողամասի համար սահմանել վաճառքի հետևյալ գներն ու պայմանները՝

- 1) Շինության վաճառքի գինը կազմում է՝ 239824 Հայաստանի Հանրապետության դրամ (126,69 քառակուսի մետր x 30000 դրամ x 0,0631=239824):
- 2) Բնակելի նշանակության ինքնակամ շինության պահպանման և սպասարկման համար նախատեսված Հայաստանի Հանրապետության Շիրակի մարզի Ախուրյան համայնքի սեփականությունը հանդիսացող, բնակավայրերի նպատակային նշանակության, բնակելի կառուցապատման գործառնական նշանակության հողամասի մեկ քառակուսի մետր հողամասի կադաստրային արժեքը սահմանված է 218 Հայաստանի Հանրապետության դրամ: 0,03056 հեկտար մակերեսով հողամասի օտարման գինը կազմում է՝ 66621 Հայաստանի Հանրապետության դրամ:
- 3) Սահմանված չափերով ձևավորված կառույցի և հողամասի ուղղակի վաճառքի ընդհանուր գինը կազմում է 306445 (երեք հարյուր վեց հազար չորս հարյուր քառասունհինգ) Հայաստանի Հանրապետության դրամ, որը ենթակա է վճարման Հայաստանի Հանրապետության Շիրակի մարզի Ախուրյանի համայնքապետարանի համապատասխան հաշվեհամարին:
- 4) Որոշման սույն կետի 3-րդ ենթակետով ձևակերպված վաճառքի ընդհանուր գնին հավելվում են տվյալ գույքային միավորի նկատմամբ մինչև օտարումը համայնքի անվամբ գույքային իրավունքների պետական գրանցման համար իրականացված վճարները՝ վճարման անդորրագրերի հիման վրա:
- 5) Ինքնակամ շինությունն իրականացրած անձի կողմից՝ 15 աշխատանքային օրվա ընթացքում գնման նախապատվության առաջարկն ընդունելուց հետո 30 օրյա ժամկետում օրինականացված կառույցի և դրա համար սահմանված կարգով առանձնացված հողամասի վաճառքի գինը չվճարելու դեպքում 5 աշխատանքային օրվա ընթացքում ներկայացվում է գրավոր առաջարկություն՝ կառույցը վարձակալելու վերաբերյալ:
- 6) Ինքնակամ կառույցն իրականացրած անձի կողմից կառույցի վարձակալության իրավունքից ևս հրաժարվելու դեպքում այն վաճառվում կամ օգտագործման է տրամադրվում հրապարակային սակարկություններով՝ աճուրդի կամ

մրցույթի ձևով, «Հրապարակային սակարկությունների մասին» Հայաստանի
Հանրապետության օրենքով սահմանված կարգով:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԾԻՐԱԿԻ ՄԱՐԶԻ
ԱԽՈՒՐՅԱՆ ՀԱՄԱՅՆՔԻ ՂԵԿԱՎԱՐ՝**

Ա. ԻԳԻԹՅԱՆ

գ.Ախուրյան
07 մարտի 2023թ.





ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱԽՈՒՐՅԱՆ ՀԱՄԱՅՆՔԻ ՂԵԿԱՎԱՐԻ ՈՐՈՇՈՒՄ

«09» մարտի 2023 թվականի թիվ 240 -Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱԽՈՒՐՅԱՆ ՀԱՄԱՅՆՔԻ
ԵՐԱԶԳԱՎՈՐՍ ԳՅՈՒՂԻ 1-ԻՆ ՓՈՂՈՑ ԹԻՎ 44 ՀԱՍՑԵԻ 08-037-0016-0003
ԿԱԴԱՍՏՐԱՅԻՆ ԾԱԾԿԱԳՐՈՎ ՀՈՂԱՄԱՍԻ ՎՐԱ ԻՆՔՆԱԿԱՍ ԿԱՌՈՒՅՎԱԾ
ԲՆԱԿԵԼԻ ՏՈՒՆԸ ԵՎ ԲՆԱԿԵԼԻ ՆՇԱՆԱԿՈՒԹՅԱՆ ՇԵՆՔ ՇԻՆՈՒԹՅՈՒՆՆԵՐՆ
ՕՐԻՆԱԿԱՆ ՃԱՆԱԶԵԼՈՒ ՄԱՍԻՆ

Քաղաքացի Գագիկ Կարուշի Գրիգորյանը (ծնված 09/12/1972 թվական) դիմել է
Ախուրյան համայնքի ղեկավարին՝ ժառանգության իրավունքով 1/2 մասով (հիմք
նոտարական ակտ թիվ 787-20230201-84-6641823 և 787-20230201-84-6641816) իրեն
փոխանցվող 08-037-0016-0003 կադաստրային ծածկագրով, բնակավայրերի բնակելի
կառուցապատման գործառնական նշանակության 0,12085 հեկտար մակերեսով
տնամերձ հողամասի վրա առկա, ինքնակամ համարվող բնակելի նշանակության շենք
շինություններն օրինական ճանաչելու խնդրանքով:

Հայաստանի Հանրապետության Շիրակի մարզի Երազգավորս համայնքում հողային
բարեփոխումների և սեփականաշնորհման տեղական հանձնաժողովի 1991 թվականի
օգոստոսի 24-ի թիվ 6 որոշմամբ Կարուշ Խորենի (ծնված 13/11/1946 թվական, մահացած
02/12/2020 թվական) Սիլվա Հայկի (ծնված 04/03/1953 թվական, մահացած 18/09/2019
թվական) Գագիկ Կարուշի (ծնված 09/12/1972 թվական) և Նաիրա Սպարտակի (ծնված
14/12/1972 թվական) Գրիգորյանների անվամբ սեփականաշնորհված և ժառանգության
իրավունքով Գագիկ Կարուշի Գրիգորյանին 1/2 մասով փոխանցված, Հայաստանի
Հանրապետության Շիրակի մարզի Ախուրյան համայնքի Երազգավորս գյուղի 1-ին
փողոց, թիվ 44 հասցեի հողամասի վրա ինքնակամ կառուցված 126,83 քառակուսի
մետր ընդհանուր ներքին մակերեսով բնակելի տունը, նկուղը և օժանդակ շինությունը
որոնք կառուցվել են 1984 թվականին (մինչև 2001 թվականի մայիսի 15-ը), իսկ 18,06
քառակուսի մետր արտաքին մակերեսով բնակելի տունը կառուցվել է 2017 թվականին
(2001 թվականի մայիսի 15-ից հետո) որոնք կառուցված չեն քաղաքաշինական
նորմերի և կանոնների էական խախտումներով, դրանց պահպանումը չի խախտում այլ
անձանց իրավունքները և օրենքով պահպանվող շահերը, վտանգ չի սպառնում
քաղաքացիների կյանքին ու առողջությանը և չի առաջացնում հարկադիր սերվիտուտ
պահանջելու իրավունք:

Ղեկավարվելով Հայաստանի Հանրապետության Քաղաքացիական օրենսգրքի
188-րդ հոդվածի 4-րդ մասի, Հայաստանի Հանրապետության կառավարության 2022

թվականի հունվարի 5-ի թիվ 14-Ն որոշման 2-րդ կետի, «Ինքնակամ կառույցների օրինականացման և տնօրինման կարգը հաստատելու մասին» Հայաստանի Հանրապետության կառավարության 2006 թվականի թիվ 912-Ն որոշման 1-ին և 4-րդ կետերի դրույթներով, համաձայն նույն որոշման կարգի 8-րդ, 8.1-րդ, 10-րդ, 11-րդ կետերի, 13-րդ կետի ա) ենթակետի և 22.1 կետի պահանջների, ինչպես նաև հաշվի առնելով «Անշարժ գույքի հարկով հարկման նպատակով անշարժ գույքի շուկայական արժեքին մոտարկված կադաստրային գնահատման կարգը սահմանելու մասին» Հայաստանի Հանրապետության օրենքի 4-րդ հոդվածով սահմանված շինության տարածագնահատման (գտնվելու վայրի) գոտիականության գործակիցների (Գգ) սահմանված չափը՝ որը Երազգավորս գյուղի (Շիրակի մարզ, 17-րդ գոտի) համար 0,0743 է՝

Ո Ր Ո Շ ՈՒ Մ Ե Մ

1. Հայաստանի Հանրապետության Շիրակի մարզի Ախուրյան համայնքի Երազգավորս գյուղի, 1-ին փողոց, 44 հասցեի հողամասի վրա ինքնակամ կառուցված 126,83 քառակուսի մետր ընդհանուր ներքին մակերեսով բնակելի տունը, նկուղը և օժանդակ շինությունը ճանաչել օրինական՝ առանց վճարների գանձման:
2. Նույն հողամասի վրա 2017 թվականին ինքնակամ կառուցված 18,06 քառակուսի մետր արտաքին մակերեսով բնակելի տան մասը ճանաչել օրինական սահմանված վճարների դիմաց:
3. Որոշման 2-րդ կետով օրինական ճանաչված բնակելի նշանակության շինությունների յուրաքանչյուր մեկ քառակուսի մետրի օրինականացման համար սահմանել 10000 Հայաստանի Հանրապետության դրամ և կիրառել շինության տարածագնահատման (գտնվելու վայրի) գոտիականության գործակիցը՝ որը Երազգավորս գյուղի համար 17-րդ գոտում հաստատված է 0,0743: Բնակելի նշանակության շինության օրինականացման համար հաշվարկված վճարը կազմում է 13419 (տասներեք հազար չորս հարյուր տասնինը) Հայաստանի Հանրապետության դրամ:
4. Որոշման ընդունման օրվանից հաշված, 60 օրյա ժամկետում, օրինականացման համար սույն որոշման 3-րդ կետով սահմանված գումարը չվճարելու դեպքում՝ որոշումն համարվում է ուժը կորցրած:
5. Գույքային իրավունքների պետական գրանցումն իրականացնել Հայաստանի Հանրապետության օրենսդրությամբ սահմանված կարգով:

ՀԱՄԱՅՆՔԻ ՂԵԿԱՎԱՐ

գ.Ախուրյան

09 մարտի 2023թ.



Ա.ԻԳԻԹՅԱՆ



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶ
ԱԽՈՒՐՅԱՆ ՀԱՄԱՅՆՔԻ ՂԵԿԱԿԱՐ**

ՈՐՈՇՈՒՄ

«10» մարտի 2023 թվականի թիվ 241-Գ



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ
ԱԽՈՒՐՅԱՆ ՀԱՄԱՅՆՔԻ ՂԵԿԱՎԱՐԻ
ՈՐՈՇՈՒՄ N 242**

<<10>> մարտի 2023 թվական

գյուղ Ախուրյան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱԽՈՒՐՅԱՆ ՀԱՄԱՅՆՔԻ
ԱԽՈՒՐՅԱՆ ԲՆԱԿԱՎԱՅՐԻ ԳՅՈՒՄՐՈՒ ԽՃՈՒՂՈՒ ԵՐԿԱՅՆՔՈՎ ԾԱՌԵՐԻ
ՍԱՆԻՏԱՐԱԿԱՆ ԷՏ ԹՈՒՅԼԱՏՐԵԼՈՒ ՄԱՍԻՆ**

Ղեկավարվելով <<Տեղական ինքնակառավարման մասին>> Հայաստանի Հանրապետության օրենքի 35-րդ հոդվածի 1-ին մասի 24-րդ կետի դրույթով և հաշվի առնելով էլեկտրական մալուխները անվտանգ անցկացնելու հանգամանքը՝ Գյումրու խճուղում ծառերը սանիտարական էտի ենթարկելու մասին որոշում եմ՝

1.Թույլատրել Հայաստանի Հանրապետության Շիրակի մարզի Ախուրյան համայնքի Ախուրյան բնակավայրի Գյումրու խճուղում ծառերի սանիտարական էտ իրականացնել՝ պահպանելով անվտանգության կանոնները:

2.Հանձնարարել <<Ախուրյան համայնքի կոմունալ սպասարկում և բարեկարգում>> ՀՈԱԿ-ի տնօրենին աջակցել Ախուրյան համայնքի Ախուրյան բնակավայրի վարչական տարածքում ծառերի սանիտարական էտի աշխատանքների կազմակերպմանն ու իրականացմանը:

3.Հայաստանի Հանրապետության Շիրակի մարզի Ախուրյան համայնքի Ախուրյան բնակավայրում սանիտարական էտի ենթարկած ծառերի ճյուղերը տրամադրել Ախուրյան բնակավայրի կարիքավոր ընտանիքներին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ
ՄԱՐԶԻ ԱԽՈՒՐՅԱՆ ՀԱՄԱՅՆՔԻ ՂԵԿԱՎԱՐ

10 մարտի 2023 թվական
Գյուղ Ախուրյան



Ա.ԻԳԻԹՅԱՆ